

152

NADEMILU GENTILES

IN S'UMBRA 'E SA CASTANZA SECULARE
 M'IMBOLO, UN'ISCUTTA, PRO DORMIRE,
 TOT'IN GIRU IN SU BUSCU EST UN 'INCANTU:
 SA DULCHE MELODIA
 DE PUZONES CANTENDE INNAMORADDOS;
 IN S'ADDE SU TRAGHINU,
 A BRINCOS E MURMUTOS,
 NAT ADIU A SU MONTE 'UE EST NASCHIDU,
 PRO CHE LEARE A BASCIU SAS FRISCURAS
 DE CUDDAS ABBAS PURAS
 E ARRIBARE A MARE MORIBUNDU;
 PRO-FUMOS DE ARMIDDA
 E ATEROS FIDRES,
 MI CARIGNAN CUN MAGICOS RECREOS;
 E INTENDO SU 'ENTU BULLUZENDE,
 A BRIGAS CUN ALVURES FOZIDAS;
 SOS FRUSCIOS SUN LAMENTOS,
 CHI MI PAREN FAEDDOS;
 NO LOS CUMPRENDO, MA TOCCAN SU CORD!
 ANCORA DUAS NUES FUIDITTAS,
 MI PONEN SA MENTE IN AVVOLDTU;
 LAS INVITO A FIRMARE E LIS DOMANDO:
 "DIA CHERRER ISCHIRE,
 NADEMILU GENTILES,
 DA' 'UE 'ENIDES E A 'UE ANDADES".
 MI RISPONDEN APPENA; "NO L'ISCHIMUS!
 SEMUS CHE TUE FIZAS DE SU NUDDA;
 ADIU CARU FRADE, HAMUS PRESS' 'E ANDARE".
 E LESTRAS HAN BOLADU PRO S'IGNOTU;
 E DEO IN CUSS'ISTANTE
 A ISSAS MI SO 'IDU ASSIMIZANTE!

(MALUNEDDU)

 MARCEDDU SALVATORE
 ONIFERI